

Comunicado di fundacion Alzheimer Aruba

Celebracion dia 1 di october simultaneo di cuatro evenemento

ARUBA/SANICOLAS- Diamars dia 1 di October, dia Internacional Di nos Grandinan Fundacion Alzheimer Aruba (F.A.A.), den cooperacion cu Parokia di Santa Teresita San Nicolas ta organisa un celebracion conhunto cu ta alcapara cuatro celebracion hopi importante cu un procesion y Santa Misa na Misa Santa Teresita na San Nicolas. E Celebracion unico aki ta encera: 1. Diamars dia 1 di October, Dia Internacional di nos grandinan (proclama pa Organizacion Mundial di Salud (WHO).2. Celebracion di fiesta di Santa Teresita di Niño Hesus, Patrona di Parokia Santa Teresita na San Nicolas 3. Di 10 aniversario di Fundacion Alzheimer Aruba,4. Dia Internacional di Alzheimer di dia 21 di septem-

ber (proclama pa Nacionnan Uni).E celebracionnan aki ta haci un yamada na tur persona di tur edad pa tuma nan responsabilidad y aporta na un Comunidad Amistoso pa nos grandinan di mes manera cu Santa Teresita di Niño Hesus a siña nos. Sta. Teresita ta un ehempel di acepta nos limitacionnan, duna cu tur nos curason loke nos tin, no importa e formado di e ofrenda na nos grandinan y lesnan cu mas mester di esaki.

Un comunidad cu amistad pa nos grandinan unda tambe ta sostene e cuidadonan y famia di nos grandinan y tur persona den nos comunidad cu ta desaroyando of padeciendo di un of otro Malesa di Tipo Alzheimer, ta un ehempel di Sta. Teresita. Mester tuma na cuenta e cuidao y e pasenshi di

e famia y cuidadonan di nos grandinan, tambe e cuidao di e persona cu MTA cu ta un reto cu por tuma hopi aña di sacrificio. Ta hustamente e sacrificio aki cu amor y dedicacion ta algo di celebra di internacional di nos grandinan. E trabou di FAA di conscientisacion y sosten den comunidad e ultimo 10 aña ta un muestra cu 2comunidad por sigui confia e siguiente 10 aña nos dilanti pa sostene y lucha pa un cuidao cu dignidad di e grupo ya menciona. Segun cifra 75% di cada persona di tercer edad ta experiencia rechazo di nan yiunan, y ta indica un perdida di identidad y transmision cultural. Den un mundo cu ta embeyece den forma rapido, nos grandinan mas y mas lo bay hunga un rol principal/importante medi-

ante trabou boluntario, transmiti nan experiencia y conocimiento, aporta na nan famia den cuidao di nietonan y hasta participa den forsa laboral cu pago. E contribucion di nos grandinan na desaroyo di nos comunidad por wordo sigura solamente si nos pensionadonan/ grandinan ta disfruta di nivelnan adecua di salud cu dignidad, seguridad y respet. Esaki nan mester ta den liña cu e Plan Internacional dia di accion di Madrid, Organizacion Mundial di Salud y e documento "Envehecimento Activo - Un Macro Maneho Politico", describiendo criterios y perspectivanan pa un bira grandi saludabel a lo largo di e curso di bida. Durante e celebracion aki Nos ta duna danki na e amor misericordioso di Santa Teresa di Niño

Hesus pa e apoyo otorga na Parokia di San Nicolas, Fundacion Alzheimer Aruba y na tur lesnan den servicio di nos grandinan, e persona cu MTA y nos comunidad. Di parti di Pastoor Pilongo y Parochia Sta. Teresita y Fundacion Alzheimer Aruba,

Nos grandinan, nan famia, cuidadonan, Hubentud di Aruba, Service Clubs, tur esnan den cuidao y salud di nos grandinan, Sponsornan fiel durante e 10 aña di existencia di FAA, comunidad henter, ta keda cordialmente invita pa celebra hunto cu nos e celebracion di cuatro evenemento simultaneamente y unico aki. Luga: Misa Sta. Teresita, Adres: Bernardstraat, San Nicolas Ora: Procecion 6:00 p.m. Santa Misa 7:00 p.m. RSVP: 5821684.□